



NAALAKKERSUISUT
GOVERNMENT OF GREENLAND

UKIUMOORTUMIK NALUNAARUT

2022

AKILERAARTARNERMUT AQUTSISOQARFIK / SKATTESTYRELSEN



WWW.AKA.GL

IMARISAI

Akilerartarnermut Aqutsisoqarfik pillugu	3
Aqutsisoqarfiup pisortaata nalunaarutaa	4
Aallarniut	5
Aaqqissugaaneq ingerlatsinerlu	6
2022-mi Pingaarnertut suliniutit	7
Akilerartarnermut Aqutsisoqarfik Aaqqissugaanera	8
2022-mi Inernerit Aalajangersimasut	12
2022-mi allannguinerit	13
Kalaallit Nunaanni akilerarutit 2020 - Tamakkiisumik paasisaqarneq	28

AKILERAARTARNERMUT AQUTSISOQARFIK PILLUGU

Sulisut: sulisut 120-it missaani.

Aaqqissugaaneq: Aqutsisoqarfik 2019-mi sisamanik immikkoortortaqqarpq.

- Suliatiqut suliniutit nakkutilliinerlu, kukkuneruiermik, akileraarusiinermik annissinermilu akitsuuserinermik suliaqartoq, sulisitsisunillu nalunaarsuffimmik Sulinal-imik isumaginnittoq.
- Akiliisitsiniartarfik, inuussutissarsiutillit inuinaallu akiitsuunik isumaginnittoq.
- Aningaasaqarneq, naatsorsuutunik, akitsuutunik isumaginnittoq.
- Suliati ataatsimoorussat, tassaasut sulisunik pikkorissaaneq, attaveqaqatigiinneq aamma teknikki kiisalu innuttaasunik sullissivik.

Akilerartarnermut Aqutsisoqarfik aqutsisoqarfimmi pisortamit aqunneqqarpq, nammineq sulisoqartumik.

Nunami inissisimanerit:

Suliasat Nuummi qitiusumik allaffimmi kiisalu nunap immikkoortuini tallimaasuni Qaqortumi, Maniitsumi, Kangerlussuarmi, Sisimiuni Ilulissanilu kiisalu Aalborgimi aamma Københavnimi allaffinni marlunni suliarineqqartarput.

Aqutsisoqarfiup inuiaqatigiinni akisussaaffii:

Akilerartarnermut Aqutsisoqarfik kalaallinik inuusuttunik ilinniartitseqataavoq. Suliffinnik misiliisut pingasut 2022-imi atorfinitsinneqarsimapput. Aqutsisoqarfiup pappiaqqanik atuneq sutigut tamatigut isumalluutunik atuinerup annikillisarnissaanik aallussineq.

Nittartagaq: www.aka.gl

AKILERAARTARNERMUT AQUTSISOQARFIUP ALLAFFII

AQUTSISOQARFIUP PISORTAATA NALUNAARUTAA

Kalaallit Nunaanni innuttaasunut suliffeqarfinnullu suliassaq angisooq pingaarutilillu Akileraartarnermut Aqutsisoqarfiup sularaa, taamatut nunap aningaasaqarneranut tunngaviumik pingaarutilimmik Akileraartarnermut Aqutsisoqarfik atuuffeqarpoq.

Ukioq 2022 Covid-19-imit sakkukitsumik sunnersimaneqarpoq, ingerlatallu kigaatsumik pisarnertut ingerlateqqinneqalerlutik. Inuiaqatigiit nunallu aningaasaqarnera pilertornerusumik inissikkiartorput, 2022-mullu missingersuutit aalajangersarneqarmata naatsorsuutigisamit pitsaanerunerat paasinarsivoq.

Suliassat pingaarnerit, tassa akileraaruserineq, akitsuuserineq akiliisitsiniarnerlu, kiisalu soraarnerussutisiaqarnissamut aaqquissuussinerlut p eqataasussaataitaanermut tunngatillugu allaffissornikkut suliassat isumagineqarnerat 2022-mi Akileraartarnermut Aqutsisoqarfimmi pingaarnerutillugit sammineqarput. Soraarnerussutisiaqarnissamut aaqquissuussinerlut p eqataasussaataitaanermut tunngasut 2022-mi misissoqqissaarneqarput, tamatumalu kingunerisaanik inatsisip atuuffia aningaasallu killissaat inatsimmi allanngortinneqarput.

Pisortat aningaasaqarnermut ataatsimut aqutsissutaat Prisme Akileraartarnermut Aqutsisoqarfiup 2022-mi atugarilerpaa. Taamaammatt Prismemut pitsaanerpaamik ikaarsaarnissaq qulakkeerniarlugu sulinerujussuaq ingerlanneqarpoq, aammali sulieraatsit suliallu ingerlaartarneri nalilersoqqinneqarput. Akiliisitsiniartarnermi atortoq nutaaq Prismemi pilersinneqarpoq. Prismemut ikaarsaarnerup kingunerisaanik aqutsisoqarfiup suliassai sulinermilu atortui amerlasuut annertuumik allannguuteqarput, ikaarsaarnermullu atatillugu atuutilersitsineq ilaatigut ajornartorsiutitaqarpoq. Unammilligassat amerlanerpaartaat 2022-p naanerani aqqinneqareersorinarput.

Digitaliusumik periarfissat 2022-p ingerlanerani annertusaavigineqarput. Akileraartarnermut Aqutsisoqarfiup innuttaasunut suliffeqarfinnullu allakkat amerlasuukkaartut eBooks aqutugalugu nassiussortalerpai. Tamanna innuttaasut allagarsiassaminnik digitaliusumik pilertornerusumik pitsaanerumillu tiguisalernerannik kinguneqarpoq. Ajoraluartumillu paasinarpog amerlasuut digitaliusumik ingerlatsineq suli ulluinnarsiutigilersimangikkaat, taamaammallu aaqquissuussinerup pitsaaqutissarujussui suli anguneqanngillat.

Kalaallit Nunaanni innuttaasunik suliffeqarfinnillu tamanik pitsaasumik sullissisutut aamma ineriartornermik paasisimannilluartutut suliffeqarfiorusulluta Akileraartarnermut Aqutsisoqarfimmi kissaatigaarput.



Kim Neumann Nielsen, Aqutsisoqarfimmi pistortaq

ALLARNIUT

Akileraartarnermut Aqutsisoqarfiup suliassai pingaernerit tassaapput akileraarutitik akitsuutinillu akiliisitsinerit kiisalu pisortanut akiitsunik akiliisitsiniartarnerit. Akileraartarnermut Aqutsisoqarfik ukiut tamaasa innuttaasunik suliffeqarfinnillu atassuteqartarpoq. Akitsuuserinerimut atatillugu innuttaasut naapittarpagut, aamma aningaasaqarneranni pissutsit imaluunniit suliffeqarfiit ingerlataat pillugit ulluinnarni atassuteqarfigisarlutigit. Aqutsisoqarfik innuttaasuniit suliffeqarfinniillu 80.000-it sinnerlugit ukiumut saaffigineqartarpoq.

Innuttaasut suliffeqarfiillu inissisimanerannik pisariaqartitaannillu aallaaveqartumik suliffeqarfimmik naapitaqarnermik misigisaqarnissaat pillugit innuttaasut suliffeqarfiillu pillugit sammisaqarpugut, aamma saaffiginnissutit erseqqissumik, eqqortumik sukkasuumillu akiniartarlugit. Tamanna atuuppoq saaffiginninneq digitalikkut imaluunniit nammineq takkunneq pinersooq apeqqutaatinnagu.

Akileraarutit, akitsuutit, akiliisitsiniarneq aamma soraarnerussutisianut tunngasut amerlasuunit paasiuminaatsinneqartarput. Akileraartarnermut Aqutsisoqarfiup piuminartumik, ajornasaanngitsumik paasiuminartumillu attaveqartarnissaaq anguniagaraa. Tamanna sulinitinni eqquutsinniartuagaraarput.

Akileraartarnermut Aqutsisoqarfik nuna tamakkerlugu suliffeqarfiussaaq piginnaasaqartoq naammassisaqarluartorlu, akileraarutitik, akitsuutitik akiliisitsiniaanermillu eqqortumik aqutsinermik inuiaqatigiinnut qulakkeerinnittoq. Innuttaasunik, atuisunik suliffeqarfinnillu sutigit tamatigit atassuteqarneq ataqinnittumik ingerlanneqassaaq. Aqutsisoqarfik suliffeqarfiussaaq sulisunik piginnaasaqartunik kiffartuussinissamillu sammisunik ineriartortitsinermi siuttuusooq.

Akileraarutit akitsuutillu inuiaqatigiinni iluaqutit nammatassallu agguarnissaannut politikikkut sakuupput. Akileraartarnermut Aqutsisoqarfik tunngaviit paasissutissiissutigineqartut atorlugit Inatsisartut Naalakkersuisullu politikkiminnik ingerlatsinissaannut aqutsisut allat peqatigalugit iliuseqarpoq. Aamma inatsisit akuerineqartut Akileraartarnermut Aqutsisoqarfiup suliassaqarfiani sulinermi piviusunngortinneqartarlutik.

Akileraartarnermut Aqutsisoqarfik tassaavoq Namminersorlutik Oqartussani allaffeqarfiit ilaat aamma Aningaasaqarnermut Akileraartarnermullu Naalakkersuisoqarfiup ataaniittoq. Aqutsisoqarfik naalakkersuisoqarfiup Namminersorlutillu Oqartussat ilaattut eqeersimaartuunissamik kiffartuussilluarnissamillu ilungersuuteqarpoq.

Akileraartarnermi Aqutsisoqarfiup sullissinerimut periusissatut siunniussai www.aka.gl-imi atuarneqarsinnaapput.

AAQQISSUGAANEQ INGERLATSINERLU

Pingaarnertut suliassat

Akileraartarnermut Aqutsisoqarfik akileraarutininik akitsuutinillu akiliisitsiniartarnernik isumagisaqartarpoq. Akileraarusiinermit akitsuusiinermullu suliassaqarfimmut ilaapput akileraarutininut A-nut aamma B-nut akileeqqusisarneq akileraarusiisarnerlu, siumorneq, nalunaarsuineq, inunnik ingerlatseqatigiiffinnillu akileraarusiineq kukkundersuinerlu, akitsuutit amerlanerpaartaasa akileqquneqartarnerat nakkutigineqarnerallu, aqutsisoqarfiup nakkutigisaraattaq nioqqutissanik eqquusuinermik nakkutilliineq, taakkununga ilanngullugit ikiaroomartunik nakkutilliineq. Akileraartarnermut Aqutsisoqarfiup soraarnerussutisiaqarnissamut aaqqissuussinermit pinngitsoorani ilaanissaq allaffissornikkut aamma ingerlataraa.

Ullumikkut Akileraartarnermut Aqutsisoqarfik suliffeqarfimmut atatillugu nalunaarsorneqarnissamut pisussaasuni nalunaarsuinerit, allannguinerit, taamaatitsinerit il.il. CVR-imut (Inuussutissarsiummik Ingerlataqartunik Nalunaarsuiffik) allattoqarfittut isumaginnippoq.

Akileraartarnermut Aqutsisoqarfiup, Namminersorlutik Oqartussanut, kommuninut, INI A/S-imut, Nukissiorfinnut il.il. kiisalu nunanut avannarlernut akiitsut akilersinniarneqartarnerat isumagisarpai.

Aammattaq sinerissami ilanngaaserinerup isumagineqarnissaa pillugu Tusass Mittarfeqarfiillu isumaqatigiissuteqarfigeqarput.



2022-MI PINGAARNERTUT SULINIUTIT

Tamakkiisumik isigalugu

2021-imi Akileraartarnermut Aqutsisoqarfimmi sulineq matuma ataani taaneqartunik malunniuffigineqarsimavoq.

◦ **Suliassat pingaarnert sammineqarnerat**

Akileraaruserinerup, akitsuuserinerup akiliisitsiniarnerullu, matumani aamma soraarnerussutisiaqarnissamut aaqqissuussinerup peqataasussaaitaanerup tunngatillugu allaffissornikkut isumagisassat sammineqarnerat. Soraarnerussutisiaqarnissamut aaqqissuussinerup peqataasussaaitaanerup tamanut paasisitsiniutigineqarnera Akileraartarnerup Aqutsisoqarfiup immikkut ittumik sammivaa.

◦ **Atortunik pitsanngorsaaneq**

Akileraartarnerup Aqutsisoqarfiup atortua eSkat kiisalu aqutsisoqarfimmi suleriaatsit suliallu ingerlaartarneri ingerlaavartumik naleqqussarneqarlutillu isumannaallisarneqarput. Pisortat aningaasaqarnerup ataatsimut aqutsissutaat nutaaq Prisme aqutsisoqarfiup iluatsilluartumik atugarilerpaa. Tamatuma kingorna iluarsaassinerit atortunillu naleqqussaaneq annertuut ingerlanneqarput.


◦ **Allakkat allakkerisarfikkoortinnagit digitaliusumik nassiunneqartalernerat**

Siumoortumik nalunaarsuinerit, inaarutaasumik naatsorsuutit ukiumoortumillu naatsorsuutit, skattekortit allakkallu allat amerliartuinnartut Akileraartarnerup Aqutsisoqarfiup e-Boksikkut nassiuttalerpai.

◦ **Oqartussaasunik allanik suleqateqarnerup annertunerulernerat.**

Akileraartarnerup Aqutsisoqarfiup Danmarkimi Skattestyrelsen assigiinngitsutigut suleqatigaa. Ilisimasaniq avitseqatigiittarnerup annertusarneqarnissaa, sulisunik atukkiussinissamut periarfissagissaarnerulernissaaq, ataatsimeeqatigiittarnerit, paasisassarsiorluni angalasarnerit suliniutillu assingusut pillugit suleqatigiinnissamik isumaqatigiissuteqartoqarpoq. Suleqatigiinnissamittaqaq isumaqatigiissut nalornisoortit piviusut pillugit saaffiginnissutinik suliaqarnissami tunngavigisassatut atuuppoq. Assersuutit taaneqarsinnaavoq ingerlatseqatigiiffit imminnut atasut akornanni akinik aalajangersaasarnermik nakkutilliinerup tunngatillugu Danmarkimi Skattestyrelsen isumaqatigiissuteqarfigineqarmat.

AKILERAARTARNERMUT AQUTSISOQARFIK AAQQISSUGAANERA



Aqutsisunut sullissivik

Aqutsisunut sullissivik ulluinnarni aqutsisunut allatseqarfiuvoq immikkoortanullu assigiinngitsuni ataqatigiissaarisuulluni. Aqutsisunut sullissivik aqutsisoqarfiup avammut nalunaartarnera isumagisarpaa, aningaasaqarnermut naligiisitaanermullu naalackersuisoqarfik aqqutigalugu naalackersuisoqarfinnut tunniussukkanik isumagisaqartarluni. Aqutsisunut sullissivik aamma akisussaaffigaa soraarnerutissiaqarnissamut aqqissuussinermut peqataasussaataitanermut ineriartorneqarnera ingerlanneqarneralu. Isumalluutinik atuinermut akitsuut, imermut sikumullu akitsuut, nunatsinni imeruagassanillu nioqqusiorfiit akitsuuserfigineqarnerat aqutsisunut sullissivimmiit isumagineqarput. Nunani allani isumaqatigiissusiorneq aammalu paasissutissanik paarlaateqatigiinneq aqutsisunut sullissivimmiit isumagineqarpoq.

Ilangaaserisut

Angalasunik tikittunik aallartunillu kiisalu nioqqutissanik eqqussinermi annissinermilu nakkutilliineq Ilangaaserisoqarfiup suliarai. 2022-mi aalakoornartup cigaritsillu akitsuuteqanngitsut eqqussuuneqarneri pillugu nakkutilliineq ilatigut aalakoornartup 50 literip missaanniittup cigaritsillu kartonit 98-it arsaarinnissutaanerannik kinguneqarpoq. Tassunga atatillugu 102.776 kr.-init missaat akiliisitsisutiginerput. Akitsuuserinermi suliaassap akitsuuserinermi periusissiami Inussuk 2018-2023-imi malitassiat malippai.

Aningaasaqarnermut immikkoortaq

Immikkoortortami aqutsisoqarfiup akiliisitsiniarneri, akiliisarneri, akiliutigineqartunik, ilangaassinernik, nalunaarsuineranik aamma akileraarutinik akitsuutinillu aqutsinerata annertunersaanik isumaginnittoqarpoq, tassa soorlu nioqqutissanik eqqussuinermi akitsuutit, qamutitut akitsuutit, umiarsualivimmiinnermut akileraarutit, pappiaqqanik nalilinnik naqissusiinermi akitsuut, eqquiniaasitsinermi akileraarutit, akiliisitsilluni piniartitsinermut akiliutit, aalisarnermut akiliutit aammalu tips-lotto-mullu akiliutit. Taakku saniatigut Akileraartarnermut Aqutsisoqarfiup ingerlatsinermi naatsorsuutinik isumaginnippoq. Aningaasaqarnermut immikkoortortaq Akileraartarnermut Aqutsisoqarfimmi paasissutisat amerlanersaannik suliaqarpoq.

Aningaasaqarnikkut ataqatigiissumik aqqissuussinerup nutaap piviusunngortinneqarneranut Aningaasaqarnermut immikkoortortaqarfik 2022-imi ukkassisimavoq. Tamatuma kinguneraa suliaassat tamarmik misissorneqarmata akiliinissamut suliniutit nutaat pakkersorneqarput.

Akileraaruserineq nakkutilliinerlu

Immikkoortortaq Maniitsumi, Sisiumini aamma Ilulissani kiisalu Danmarkimi sulisoqarpoq. Immikkoortortap suliassaqarfianiipput innuttaasunut suliffeqarfinnullu ikiuineq ilitseruussinerlu, akileraartarnermut akitsuutinillu tunngasut iluanni suliffeqarfiit ingerlatseqatigiiffiillu il.il. akileraaruserneri kukkunerisiornerilu. Immikkoortaq nuna tamakkerlugu akileraarutit, nuna tamakkerlugu immikkut akileraarutit, akileraarutit A-at B-iillu, selskabit akileraarutaat, pigisanit pissarsiat ilaasa akileraaruserneqartarnerat ilaalu ilanngullugit. Innuttaasut suliffeqarfiillu tamamik eqqortumik akileraarummik akiliinissaasa qulakkeerneqarnissaa sammeneqarpoq. Minnerunngitsumik sulisitsisunik nakkutilliinermi isumalluutinik tamanna pisariaqartitsivoq, taamaalilluni paasissutissat eqqortumik piffissaagallartillugulu nalunaarutigineqarlutik.

Akileraartarnermut Aqutsisoqarfik 2022-mi illoqarfinni Qaqortumi, Sisimiuni, Ilulissani, Uummannami, Upernavimmi aammalu aappassaa Nuummi sulisitsisunik misissuivoq. Akileraartarnermut inatsisinik malinninnginnermut pillaatit akiliisitsissutit 1,388 mio. kr.-inik aningaasartallit 2022-mi akiligassiissutigineqarput.

Kiisalu nunanut allanut isumaqatigiissutinut tunngatillugu oqartussaasutut suliaq aammalu paasissutissanik nunani allani oqartussaasunut oqartussaasunillu paarlaateqateqartarneq isumagineqarput.

Akiliisitsiniartarneq

Immikkoortortaq Maniitsumiit aqunneqarpoq. Innuttaasut suliffeqarfiillu Kalaallit Nunaanni pisortanut akiitsuisa akilerneqarnissaasa qulakkeerneqarnissaanik immikkoortortaq suliassaqarpoq. Tamatuma saniatigut sulisitsisunik nakkutilliinissaq immikkoortortap pingaarutilittut suliassaraa. Sullissinermi immikkoortortap taassuma Kalaallit Nunaat tamaat sullitaraa ukiumullu marloriarluni Nuuk, ukiumut ataasiarluni Ilulissat angusarlugit taakkulu saniatigut ukiumut illoqarfiit arfineq pingasut-qulit. Immikkoortortap kiffartuussinerani pisortanut akiitsunik innuttaasut suliffeqarfiillu akilersuinissamut piginnaasaat sammiuarlugu akiitsuinut naleqqiullugu sunniuteqarnerpaanik sakkoqarluni innuttaasut suliffeqarfiillu kajumissaarnissaannut suliniut ilaatinneqarpoq. Taamaattumik aamma siunissami ungasinnerusumi inissisimanerminnik qanoq isumaginnissinnaanerit pillugu innuttaasunik suliffeqarfinnullu siunnersuisoqarpoq.

2021-imi suliniuteqarnerup akiitsut 189.004.319 mio. kr.-nit matussusernerinut akiliinerit kinguneraa.

Suliat ataatsimoorussat

Innuttaasunut sullissivik tassaavoq Akileraartarnermut Aqutsisoqarfimmi sullissanut atatillugu kiinnererat. Taassuma saniatigut sulisut pillugit sulianut, akissarsianut nalinginnaasumillu allatsitut sulinermut atatillugu suliassat suliarisarpaat. Akileraartarnermut Aqutsisoqarfimmut saaffiginnissutit akileraarnermut, akiliisitsiniarnermut, momsimut allagartanik naqitsisarnermut, akitsuutinut, CVR-mut allanullu atatillugu tamarmik pingaarnertut innuttaasunut sullissivikkoortarput. Tamanna saniatigut sulisunut suliffeqarfimmullu tunngasut isumagineqartarput, soorlu akissarsiat, attartuinermut isumaqatigiissutit ilaalu ilanngullugit.

Ulluinnarni innuttaasunut sullissinerup saniatigut akileraarusiinerit suliassallu allat soorlu e-mailikkut oqarasuaatikkullu saaffiginnissutit isumagineqartarput. Qaammatit tamaasa 2.300-t missingi Akileraartarnermut Aqutsisoqarfiup saaffiginnittarfianut Ilulissani, Sisimiuni, Maniitsumi, Nuummi Qaqortumilu ornigullutik saaffiginnittarput. Ornigullutik saaffiginnittartut saniatigut agguaqatigiissillugit 200-it missingi ullut tamaasa immikkoortartaqarfiup toqqaannartumik oqarasuaataanut sianertarput. Saaffiginnittarfimmut sianertartut saniatigut namminersorlutik oqartussat nuutsitsisarfiannit nuutitsisoqartarpoq. Akileraartarnermut Aqutsisoqarfiup mailikkut saaffiginnissutit qaammammut agguaqatigiissillugit 2.000-t tigusarpai.

Suliat ataatsimoorussat ataaniippoq ingerlatanut ineriartortitsivik. Aqutsisoqarfiup aaqqissuussaanut pingaarnertut ataqatigiissumik aaqqissuussanut akisussaaffik, aqutsisoqarfiup iluarsartuullugu pilersaarussiaanut ineriartortitsinermilu suliassaqarfiinut kiisalu suliassaqarfiit akimorlugit suliassanik ingerlatsinerit. Ineriartortitsinermut Sulianillu Ingerlatsinernut Sullissiviup isumagisarai. Innuttaasunut sammisunik sulianik ingerlatsinermut pitsanngorsaanermik pingaartumik ukkataqartoq.



2022-MI INERNERIT AALAJANGERSIMASUT

Uani ataani kisitsisit pinngaarnerit ataasiakkat 2022-mi Akileraartarnermut Aqutsisoqarfiup suliaanut tunngasut.

AALAKOORNARTUT CIGARET SILLU

Aalakoornartunut cigarettinullu tunngatillugu nakkutilliineq ingerlateqqinneqarpoq, ilaatigut tamatuma nassataanik aalakoornartut 50 literit missanniittut cigarettillu kartonnit 98-t arsaarinnissutigineqarsimaput. Tassunga atatillugu 102.760,00 kr.-t missaanni akiligassiissutigineqarput.

IKIAROORNA RTUT ANINGA ASALLU

Ikiaroornartunut aningaasanullu tunngatillugu misissuinerit ilaatigut hashimik 100,493 kg-mik arsaarinnissuteqarnermik kinguneqarput.

Arsaarinnissutit annerit pingasut 10, 11 aamma 12 kg-t umiarsuakkut Nuummut nassiussat akornanni nassaarineqarput.

Taakku saniatigut aningaasat 957.100,00 kr.- usut arsaarinnissutigineqarsimaput politiinullu suliareqqitassanngortinneqar simallutik.

KUKKUNERSIUINERMUT SULIAT

Aqutsisoqarfiup kukkunersiuinermut allaffiata 2021-imi suliat 1.269-it (2020- imut 1.255-nut sanilliullugu) misissorsimavai. Suliat 551-it 307 mio.kr.- nik qaffaanermik kiisalu suliani 306-iusuni 56 mio.kr.-nik appaanernik inerineqarsimapput.

AKILERAARUTITIGUT NAATSORSUUTIT

2021-ip ingerlanerani akileraarusiinernit paasissutissat ukioq akileraarfiusoq 2020 pillugu nalinginnaasumik akileraarutitigut naatsorsuutit inunnut 48.796-nut sularisimavai.

Inunnut ataasiakkaanut sullinneqarnerup il.il. kingunerisaanik katillugit 3.897-it inaarutaasumik naatsorsuutit allanngortitat sularineqarput.

AKILERAARUTINUT AKILIISITISSUTIT

Akileraartarnermut Aqutsisoqarfik 2021-imi suliat 200 missaanniittut akilersinniarneqarnissaanut tunngavissaqarnersut nalilersorpai.

2021-imi suliat 9-it akiliisitsinermik inerineqarput, suliallu 3-t politiinut suliareqqitassanngortinneqarlutik.

AKILERAARUTIGUT NAATSORSUUTIT

Ukioq akileraarfiusoq 2020-imut suliffeqarfiit pillugit akileraarutitigut naatsorsuutit katillugit 1.170-it nassiunneqarput, kiisalu 2021-ip ingerlanerani akileraarutitigut naatsorsuutit katillugit 199-it allanngortinneqarput.

2022-MI ALLANNGUINERIT

Allannguinerit avataaneersut - Inatsisit sinaakkusiussallu.

Akilerartarnermi akitsuusiisarnermilu inatsisit uku 2022-mi akuersissutigineqarput:

Akileraaruserinermik ingerlatsineq pillugu Inatsisartut inatsisaata allanngortinneqarneranik Inatsisartut inatsisaat nr. 19, 21. novembari 2022-mersooq (Digitalimik kiffartuussisarfikkoortumik ingerlatsinerit pillugit paasissutissanik nalunaarutiginnittarneq)

Nioqqutissanik eqqussuinermi akitsuutit pillugit Inatsisartut inatsisaata allanngortinneqarnera pillugu Inatsisartut inatsisaat nr. 12, 21. novembari 2022-mersooq (Akitsuummik atorunnaarsitsineq, naalagaaffiillu pisortaasa pisortatigoortumik tikeraarnerannut il.il. atatillugu qamutit motorillit eqqunneqarneranni akitsuummik atorunnaarsitsineq)

Aningaasarsianit akileraarutit pillugit Inatsisartut inatsisaata allanngortinnera pillugu Inatsisartut inatsisaat nr. 30, 25. novembari 2022-mersooq (Suliffeqarfiiit suliffeqarfissuarni imminut atasut akornanni akinik aalajangiineq pillugu pisut ilaanni uppernarsaatinik ingerlaavartumik nassiuussisarneq suliffeqarfinnillu atorunnaarsitsinermi iluanaarutit akileraaruserneqartarnerat kiisalu pisortanit ikiorsiissutit pillugit inatsit allanngortinneqarnerisa kingunerisaattut aaqqiinerit)

Kalaallit Nunaanni aalisarnermi pisarineqartut isumalluutininik atuinermut akitsuutaat pillugit Inatsisartut inatsisaata allanngortinneqarneranik Inatsisartut inatsisaat nr. 27, 25. novembari 2022-mersooq (Akitsuutit annertussusaannik naleqqussaaneq)

Soraarnerussutisiaqalernissamut aaqqissuussinermut peqataasussaataaneq pillugu Inatsisartut inatsisaata allanngortinneqarnera pillugu Inatsisartut inatsisaat nr. 29, 25. novembari 2022-mersooq (Naliliineq, erseqqissaaneq aningaasartallu killiginik allannguneq)

Aningaasanik peqquserluutinik malunnarunnaarsaasarneq pinerliiniarnernillu aningaasalersuisarneq pinaveersimatinniarlugit iliuuserisassat pillugit Inatsisartut inatsisaata allanngortinneqarnera pillugu Inatsisartut inatsisaat nr. 28, 25. novembari 2022-merooq (Piginnittuiunerup isumaata aamma misissuisussaataanerup tunngaviit aamma nalunaarutiginnittussaataanerup ilassuserneqarneri)

Akiliisarfik Ilanngaassivik pillugu Inatsisartut inatsisaata atorunnaarsinneqarnera pillugu Inatsisartut inatsisaat nr. 2, 25. maj 2022-mersooq

Akilerartarnermut akitsuusiisarnermullu tunngatillugu nalunaarutit uku 2022-mi aalajangersarneqarput:

2023-mi akileraarutitigut naligiissaanissaq aamma kommuninut ataatsimut akileraarutip agguataarneqarnissaa pillugit Namminersorlutik Oqartussat nalunaarutaat nr. 35, 9. decembari 2022-mersooq

Nalunaarutit uku Akilerartarnermut Aqutsisoqarfiup nittartagaatigut aka.gl-ikkut 2022-mi tamanut saqqummiunneqarput:

Nalunaarut nr. 151

Danmarkimut akileraarutininik unerartitsisarnermi allaffissornikkut periutsip 1. januar 2023 aallarnerfigalugu allangortinneqarnera pillugu nalunaarut

Nalunaarut nr. 150

Ukiutum aningaasarsiorfiusumut 2023-mut procentit akileraarusiissutissat

Nalunaarut nr. 149

Akilerartarnermut Aqutsisoqarfimmit najoqqutassiaq

Nalunaarut nr. 148

Akeqanngitsumik ajunngitsorsiat assigiinngitsu nalinginik ulloq 1. januar 2023-mi aaqiinissaq pillugu nalunaarut

Nalunaarut nr. 147

Akeqanngitsumik tamakkiisumik ilaannakortumilluunniit ineqartitaanermi aki-leraarusiineq – nalunaarutip nr. 145-p oqaasertaanut iluarsiiisut

Nalunaarut nr. 146

Pineqartoq: Piffissamut 1. januar 2022-miit 31. december 2022-mut erniat minnerpaaffissaat.

Suliassaqarfik 20 – 24-mut Aningaasaqarnermut Naalackersuisoqarfik aamma Akileraartarnermut Aqutsisoqarfik, nassusaiaatit.

- Nr. 1-imut Aningaasaqarnermut Naalackersuisoqarfiup ilaatigut akileraartarnermut akiliisitsiniartarnermullu tunngasut akisussaaffigalugit isumagisarpai, tassunga ilanngullugit eqqartuussivimmi suliat, akiliisinnaajunnaarnermik nalunaarutiginninnerit, akiliisitsiniartarnerit il.il. Akiliisinnaajunnaarnermik nalunaarutiginninnerit il.il., aamma Akileraarusiinermik Aalajangiisartut aalajangigaannik il.il. misiliinerni aammalu Kalaallit Nunaata avataani pisortat pisassaannik akiliisitsiniartarnermut atatillugu eqqartuussissuserisunut aamma tamanut ammasumik neqerooruteqartitsinerit Aningaasaqarnermut Sulisoqarnermullu Aqutsisoqarfimmi isumagineqartut pillugit eqqartuussinermik isumaqatigiissitsiniarnermillu sulianut aningaasartuutunik pilertunik aningaasalersuisinnaanissaq qulakkeerniarlugu konto pingaarneq manna pilersinneqarsimavoq.

Oqaasertaliussat AI2021-mit iluarsineqarlutik ingerlateqqitaapput.

- Nr. 2-mut. Oqaasertaliussat uku aqutigalugit Akileraartarnermut Aqutsisoqarfik Namminersorlutik Oqartussanut pissarsiassat 300,00 kr.-nik ikinnerusunilluunniit annertussusillit isumakkeerinnissutiginnissaannut piginnaatitaalerpoq.

300,00 kr.-nik ikinnerusunilluunniit isumakkeerinninnissamut piginnaatitaaffigaluartoq, Akileraartarnermut Aqutsisoqarfik Namminersorlutik Oqartussanut akiitsunik tamanik 100,00 kr.-nik ikinnerusulluunniit annertussusilinnik isumakkeerinnittassaaq.

Namminersorlutik Oqartussanut pissarsiassat tamaasa 100,00 kr.-nik ikinnerusunilluunniit annertussusillit isumakkeerinnissutigisarnerisigut isumakkeerinnissutillu taamatut killilerneqarnerisigut isumakkeerinnissutit aningaasatigut annertussusiisa innuttaasullu inatsisitigut isumannaatsuunissaasa akornanni oqimaaqatigiinneq pitsaanerpaassasoq Akileraartarnermut Aqutsisoqarfik isumaqarpoq.

Akileraartarnermut Aqutsisoqarfiup piginnaatitsissut Akileraartarnermut inatsimmut naleqquttumut, 2021-mi Inatsisartut ukiakkut ataatsimiinnerinut atatillugu imaluunniit kingusinnerpaamik 2022-mi ilanngunneqarsinnaajumaartoq naatsorsuutigaa. 2020-mi ilassutitut aningaasaliissuteqarnermi oqaasertaliussat akuerineqarput, IA-suliap normua 20-900 takuuk. 20-900 takuuk.

Oqaasertaliussat AI2021-mit ingerlateqqitaapput.

- Nr. 3-mut. Oqaasertaliussatigut akiitsut, pisortanit allanit akiitsoqarfigisanit akiliisitsiniarnissaq siunertaralugu Akileraartarnermut Aqutsisoqarfiup tigusinnaasai 100 kr.-nut minnerpaaffissalernerqarput. Allanguut tamanna suliassaqarfik 20-24-mut oqaasertaliussani nr. 4-mi ullormi 19. august 2020-mi akuerineqartumi ilisimatitsissutigineqarpoq, IA-suliap normua 20-900 takuuk.

Allaffissornikkut sipaaruteqarniarneq siunertaralugu oqaasertaliussat atuutilersinneqarput. Aningaasanik ataatsimut aqutsissut Prisme akiligassanik akileeqqusissutunik takkuttoqaraangat innuttaasunut suliffeqarfinnullu akileeqqusissutunik nassiussisassaaq. Taamatutaaq ernianik akileeqqusissutunik takkuttoqaraangat. Taamaattoqartillugu suliassanik suliarinninnermut, akileeqqusissutunik nassiussinerit il.il. aningaasartuutit akiligassap annertussusianit annertuninngortarput. Akiligassamut ataatsimut aningaasartuutit naatsorsorneqarnikuunngillat taamaattumik minnerpaaffissaata 100 kr.-unissaa aalajangerneqarsimavoq.

Kontumut pingaarnermut, 24.01.01 Akileraartarnermut Aqutsisoqarfik, allaffissorneq

Naalakkersuisut kontumi pingaarnermi matumani atuinerussutinik atuinikinnerussutinilluunniit ukiumut aningaasanut inatsiseqarfiusumut tullermut nuutsisinnaanissaminnut piginnaatinneqarput. Aningaasaliissutinik amerlanerpaamik 3.000.000 kr.-t nuunneqarsinnaapput.

Kontumut pingaarnermut, 24.01.01 Akileraartarnermut Aqutsisoqarfik, allaffissorneq, nassuaiaatit

Akileraartarnermut Aqutsisoqarfiup IT-kkut atortorissaarutai, e-akileraarneq ilanngullugu, ingerlaavartumik ineriartortinneqassapput ingammillu nutaamik inatsisiliornerup imaluunniit allannguuteqartitsinerup malitsigisaanit naleqqussarneqarlutik. Ineriartortitsinermik suliat ilaanneeriarlutik ukiunik aningaasanut inatsiseqarfiusunik arlalinnik sivisussuseqarsinnaasarput, taamaammallu eqaannerulersitsinissaq pisariaqarpoq.

Nutaamik ERP-systemimik pisaarnissaq kiisalu ukiuni aggersuni annertuunik iluarsartuussinissaq eqqarsaatigalugu, IT-kkut atortorissaarutinik ineriartortitsinissaq naleqqussaanissarlu ilimagineqartariaqarput. Suliassat taamatut annertussusillit ukiup aningaasanut inatsiseqarfiusup ataatsip iluaniitiinnarnissaat naammannaviangilaq.

Oqaasertaliussat AI2021-mit ingerlateqqitaapput.

Siunertamut kontumut, 24.10 Toqqaannartumik akileraarutit

- Nr. 1-imut Nuna tamakkerlugu akileraarutip procentia Inatsisartut inatsisaanni nr. 12, 2 november 2006- imeersumi § 61, imm. 2 naapertorlugu 2022-mi 10-ussasoq aalajangerneqarpoq.
- Nr. 2-mut. Nuna tamakkerlugu immikkut akileraarutip procentia Inatsisartut inatsisaanni nr. 12, 2 november 2006-imeersumi § 64, imm. 2 naapertorlugu 2022-mi 26-ussasoq aalajangerneqarpoq.
- Nr. 3-mut. Suliffeqarfiit nunanit allaneersut tamarmik akuersissutit assigisaalluunniit aqqutigalugit Kalaallit Nunaanni ingerlatsisut Suliffeqarfinnik Qitiusumik Nalunaarsuiffimmi Kalaallit Nunaanni Danmarkimiluunniit angerlarsimaffeqartutut nalunaarsorsimassapput.
- Nr. 4-mut. Ingerlatseqatigiiffiit filmiliornermik suliallit Nioqqutissanik eqqussuinermi akitsuutit pillugit Inatsisartut inatsisaanni nr. 19, 30. oktober 1992-imeersumi § 1, 19-21 aamma 27-mi nioqqutissanut taaneqartunut eqqussuinermi ukiumi akileraarutinut A-nut, suliffeqarnermut akitsuutinut aamma eqqussuinermut akitsuutinut akiliutigineqartunut kiisalu Qamutit motoorillit akileraarutaat pillugit Inatsisartut inatsisaat nr. 3, 16. juni 1987-imeersoq malillugu Kalaallit Nunaanni filmimik arlalinnilluunniit immiussinermut, tunisassiornermut il.il. atatillugu filmiliorfiup akiliutigisimasaa 10 mio. kr.-t angullugit utertoorsinnaanerannut neriorsuiffiginissaannik Naalakkersuisut piginnaatinneqarput.

Utertoortutissanik tunniussisoqassappat piumasarineqarpoq:

1. Qaammatsiutit malillugit ukiumi ingerlatseqatigiiffiup filmiliornermik suliallip akileraarutitut akitsuutinullu akiliutigisimasai 3 mio. kr.-nik qaangiissanngitsut.

2. Qaammatsiutit malillugit ukiup naaneraniit kingusinnerpaamik qaammatit pingasut qaangiutsinnagit qinnuteqaammik ukiup siuliani akileraarutitut akitsuutinullu akiliuteqarsimanermut uppernarsaatissanik ilalimmik Akileraartarnermut Aqutsisoqarfimmut nassiussisoqassaaq.

- Nr. 5-mut. Soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaanni § 7, imm. 3 malillugu, takuuk imm. 4, tapiissutit ukiumi aningaasarsiorfiusumi tapiissutit akileqquneqarfianni akileraarutaagallartutut isigineqarnissaasa akuersissutiginnissaanut Naalakkersuisut piginnaatinneqarput.
- Nr. 6-mut. Suliffeqarfiit nunani allani illersornissamut oqartussaasunik isumaqatigiissuteqarlutik kommunit agguarnerisa avataanni suliaqartut, aktiaateqarluni ingerlatseqatigiiffittut imaluunniit piginneqataassuseqarluni ingerlatseqatigiiffittut Kalaallit Nunaanni najugalittut nalunaarsorsimassapput aqutsisuilu Kalaallit Nunaanni najugaqassallutik.

Taamatuttaaq suliffeqarfimmut sanaartortut suliassaasa ilaannik suliaqartunut, sanaartortut pisiortorfiinut il.il., oqaasertaliussani matumani immikkoortoq 1 malillugu nunani allani illersornissamut oqartussaasunik isumaqatigiissuteqarlutik kommunit agguarnerisa avataanni suliaqartunut aamma sanaartortut suliassaasa ilaannik suliaqartunut, sanaartortut pisiortorfiinut il.il. sanaartortut suliassaasa ilaannik suliaqartut suliaassaasa ilaannik suliaqartunut, sanaartortut pisiortorfiisa pisiortorfiinut il.il. tamanna atuuppoq.

Taamaattorli suliffeqarfiit oqaasertaliussani matumani immikkoortoq 1-2-mi pineqartut pisuni immikkut illuinnartuni sanaartortut suliassaasa ilaannik suliaqartussanik, sanaartortut pisiortorfissaannik il.il. allanik, oqaasertaliussani matumani immikkoortoq 2-mi pineqanngitsunik atuisinnaapput.

Oqaasertaliussat isumaqatigiissutitut, 1. januar 2021-miit isumaqatigiissutigineqartunut atuutissapput.

- Nr. 7. Soraarnerussutisiaqalernissamut aaqqissuussinermut peqataasussaataitaneq pillugu Inatsisartut inatsisaat malillugu ileqqaartussaataitaneermut pisussaaffiit, ukiumut isertitaqarfiusumut 2018-mut, 2019-mut 2020-mullu tunngasut, eqquutsinneqarsimangitsut ulloq 1. januar 2022-mi atorunnaassapput. Akileraartarnermut Aqutsisoqarfik tamatuma malittaani piginnaatinneqarpoq akiliutigittinneqarsimasut utertinnissaannut, aningaasat ukiumut isertitaqarfiusumut 2018-mut, 2019-mut 2020-mullu akiliutigineqartussat Akileraartarnermut Aqutsisoqarfimmi isertitassatut naatsorsuutigineqartut, utertinnissaannut. Akiliuteqarneq tamatuma kingorna pissaq akileraaruserinermik ingerlatsineq pillugu Inatsisartut inatsisaanni § 25 malillugu. Akiliuteqarneq taamaattoq aatsaat pisinnaavoq innuttaasumiit inatsimmi § 15 naapertorlugu akiliutaareersimasut akileraarutitigut akiliuteqarpallaarsimasutut utertinneqarnissaannik kissaateqarnerata kingorna.
- Nr. 8. Ulloq 1. januar 2022 aallarnerfigalugu soraarnerussutisiaqalernissamut aaqqissuussinermut peqataasussaataitaneq pillugu Inatsisartut inatsisaanni nr. 21, 28. november 2016-imeersumi § 7, imm. 2-mi, taannalu soraarnerussutisiaqalernissamut aaqqissuussinermut peqataasussaataitaneq pillugu Inatsisartut inatsisaanni nr. 18, 30. november 2020-imeersumi kingullermik allanngortinneqartumi, aningaasat

minnerpaaffissaat 4.000 kr.-inut annertussusilerneqarpoq.

Soraarnerussutisiaqalernissamut aqqissuussinermut peqataasussaatitaaneq pillugu Inatsisartut inatsisaanni § 3, imm. 1 aamma 2-mi ileqqaarnissamut tunngaviusut 175.000 kr.-inut aalajangiunneqarput. Ilanngullugu inatsimmi tassani § 3, imm. 3 aamma imm. 4 malillugu ulloq 1. januar 2022- miit makku aalajangiunneqarput:

- Inatsimmi § 3, imm. 1 malillugu akigititat uku 0 procentimiit qaffakkiartortillugit aalajangerneqarput inunnut 125.000 kr.-inik ileqqaarnissamut tunngavigisaqartumiit 100 procentimut inunnut 175.000 kr.-inik ileqqaarnissamut tunngavigisaqartunut.
 - Inatsimmi § 3, imm. 2 malillugu akigititat uku 0 procentimiit qaffakkiartortillugit aalajangerneqarput inunnut 125.000 kr.-inik ileqqaarnissamut tunngavigisaqartumiit 100 procentimut inunnut namminersorluni inuussutissarsiuteqartut sinneqartoorutaat 175.000 kr.-inik ileqqaarnissamut tunngavigisaqartunut.
- Nr. 9. Akileraarnermut Aqutsisoqarfik piginnaatinneqarpoq innuttaasup angerlarsimaffigisaani kommunimiit inassuteqartoqarnerata kingorna, soraarnerussutisiaqalernissamut aqqissuussinermut peqataasussaatitaaneq pillugu Inatsisartut inatsisaat malillugu akiliuteqarnissamut pisussaaffimmik eqquutsitsisimangitsunut piumasaqaatit apparnissaannut imaluunniit atorunnaarsinnissaannut, tassani nalilerneqarpat innuttaasup ukiut sisamat ingerlaneranni akiliuteqarnissamut pisussaaffimminik eqquutsitsisinnaaneranut periarfissaqanngitsoq, tamannalu peqquteqarpat innuttaasooq timikkut imaluunniit tarnikkut sakkortuumik nappaateqarpat.

Siunertamut kontumut, 24.10 Toqqaannartumik akileraarutit, nassuiaatitntumut

- Nr. 1-imut Aningaasarsianit akileraarutit pillugit inatsit kingullermik Inatsisartut inatsisaatigut nr. 22, 28. november 2018-imeersutigut allanngortinneqarpoq. Akileraarutit procentia ukiut tamaasa aningaasanut inatsisip akuersissutigineqarneranut atatillugu aalajangersarneqartarpoq, taamaaliornikkummi eqaannerusumik sulisoqarsinnaasarmat aningaasanut inatsisissap aappasaaneerneqarnerani pingajussaaneerneqarneranilu allannguutissatut siunnersuutit aningaasalersornissaannut atatillugu. Nuna tamakkerlugu akileraarummit iluanaarutit kontumut pingaarnermut, 24.10.10 Nuna tamakkerlugu akileraarut, isertitatut nalunaarsorneqassapput.
- Nr. 2-mut. Nuna tamakkerlugu akileraarut assigalugu nuna tamakkerlugu immikkut akileraarut aningaasanut inatsisissap akuersissutigineranut atatillugu aalajangersarneqartarpoq.

Nuna tamakkerlugu immikkut akileraarut kommunit aggornerisa avataanni Akileraarnermut Aqutsisoqarfimmit akileraarfissatut isigineqartuni akileraartussaatitaasunit akileraarutigineqartarpoq, tassanilu pingaartumik Pituffik pineqarpoq.

Nuna tamakkerlugu immikkut akileraarummit iluanaarutit kontumut pingaarnermut, 24.10.11 Nuna tamakkerlugu immikkut akileraarut, isertitatut nalunaarsorneqassapput.

Oqaasertaliussat AI2021-mit ingerlateqqitaapput.

- Nr. 3-mut. Aningaasarsiat akileraarutit pillugit inatsisartut inatsisaanni nr. 12, 2. november 2006-imeersumi § 2 imm. 2-5 aamma § 3 imm. 3 kingusinnerusukkullu allannguutaasimasut naapertorlugit akileraarutitigut isertitaqartalernissaq anguniarlugu suliffeqarfiit nunanit allaneersut siuliani pineqartut CVR-imut nalunaarsorneqarsinnaalernissaasa tunngavissaqalernissaat oqaasertaliussatigut qulakkeerneqarpoq.

Oqaasertaliussat AI2021-mit ingerlateqqitaapput.

- Nr. 4-mut. Nunarpassuit namminneq nunaminni minnerunngitsumik filminik aliikkutassianik immiussisoqarnissaa pillugu ingerlatseqatigiiffinnut filmiliornermik sulialinnut ussasaarisarput, matumani assilineqarsimasut namminneq nunaminnik pilerisaarinissap nunani allani takuneqarnissaa neriutugalugu.

Assersuutugalugu Island aamma Norge utertitsisoqartarnissaanut aqqissuussinernik atuilersimapput. Aqqissuussinernit assigiinngillat, nunalli marluullutik akileraarutitut tunngasunik aallaaveqarnissaat ilimanarpoq.

Oqaasertaliussatigut nunatsinni filminik immiussinissap tunisassiornissallu il.il. pilerinarnerulernissaa, tamannalu aqutugalugu Nunatta nunani allani nittarsaanneqarnissaa siunertarineqarpoq. Taamatut aqqissuussineq aqutugalugu ingerlatseqatigiiffiit filmiliornermik suliallit nunanit allaneersut soqutiginninnerulissapput, tamannalu aqutugalugu kalaallit isiginnaartitsisartut, teknikerit allallu suliffissaqartinnissaat annerulersillugu aamma kalaallit taamatut suliallit suliassaannik nutaanik periarfissillugit.

Ingerlatseqatigiiffik filmiliornermik sulialik tassaavoq inatsisitigut pisinnaatitaaffilik filmertarfinni imaluunniit tv-kkut siammarteriffiusuni takutitsisarnissaq siunertaralugu filminik aliikkutassianik piviusulersaarusanillu immiussinissamik, tunisassiornissamik aamma pilerisaarinissamik siunertalik. Akileraarutitut A-nut akitsuutinullu ingerlatseqatigiiffiup filmiliornermik suliallip nammineerluni akilersimasai kisimik utertitsinissamut aqqissuussinermut ilaapput. Akileraarutitut A-nut akitsuutinullu assersuutugalugu ingerlatseqatigiiffiup allap akilersimasai matumunnga ilaangillat.

Neriorsuisoqarnissaanut qinnuteqaatit ingerlaavartumik akileraaruseriffimmut tunniunneqarsinnaapput. Akileraarutitik akitsuutinullu utertitsisoqarnissaa pillugu akileraaruseriffiup aalajangiinissaa sioqqullugu filminut allatullu kulturikkut sulianut tapiissuteqartoqarsinnaanera pillugu sulianik suliarinnittartunut akisussaasumut oqaaseqaammik piniartoqaqqaassaaq, tassanilu paasiniarneqassaaq siuliani taaneqartutut ingerlatseqatigiiffik filmiliornermik sulialik pineqarnerisooq. Allaffissornikkut atugassarititat tunngavigalugit siunnersuutigineqarpoq ukiumut ataasiaannarluni utertitsisoqarnissaanut qinnuteqartoqartassasoq, tamannalu ukiup qaammatisiuteqarfiusup naanneraniit qaammatit pingasut qaangiutsinnagit pisassaaq. Ulloq piffissaliussaq qaangerneqarpat utertitsisoqarsinnaanera periarfissaajunnaassaaq, naak Naalakkersuisut neriorsuereersimagaluartut.

Ingerlatseqatigiiffiup filmiliornermik suliallip namminersortup ukiumut qaammatisiuteqarfiusumut ataasiinnarmut 10 mio. kr.-t angullugit akileraarutitut A-nut akitsuutinullu utertitsiffiqarsinnaanissaa siunnersuutigineqarpoq, aningaasallu 3 mio. kr.-t qaangersimappatigit aatsaat ukiumut qaammatisiuteqarfiusumut utertitsissutissat tunniunneqarsinnaassallutik.

Oqaasertaliussat AI2021-mit ingerlateqqitaapput.

- Nr. 5-mut. Soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaata aqunneqarnissaani 2022-mut aamma siusinnerusukkut ukiunut aningaasarsiorfiusunut tunngatillugu akileraaruseriffiup suliassaasa ikilisarnissaat aalajangersakkami siunertaavoq.

Innuttaasoq ukiumi aningaasarsiorfiusumi soraarnerussutisiaqarnissamut aaqqissuussinermut naammattunik akiliuteqarsimangippat akileraaruseriffik ukiup tulliani innuttaasumut qinnuiginnissaaq aningaasanik nikingassutaasunik akiliuteqaqqullugu. Qinnuiginnittoqarneranut innuttaasoq malinninniingippat akileraaruseriffik skattekortimik nutaamik imaluunniit akileraarutissat allagartaannik nutaanik (akileraarutinut B-nut) tunniussisinnaavoq, tassanilu nikingassutaasoq ilanngaatisap procentianut tapitut akiligassiisutigineqassaaq.

Akileraaruseriffik skattekortimik ilanngaatisamik procentimik annermik pilimmik tunniussaqsarimappat sulisitsisoq innuttaasumut tunniussinermi akileraarutinut A-nut anginerusumik akiliisitsissaaq. Sulisitsisoq nassuiaassaaq akiligassangortinneqartulluakileraaruseriffimmut akilerlugit. Akileraaruseriffik akileraarutissat allagartaannik tunniussaqsarimappat innuttaasoq nammineerluni akiligassanik akileraaruseriffimmut akiliuteqassaaq.

Siunnersuutip kingunerissavaa aningaasat akilerneqartut tamakkerlutik, apeqqutaanani akileraarutinut A-nut B-nulluunniit tunngassuteqarnerisut, akileraarutaagallartutut isigineqassammata. Tamatumalu kingunerisaanik akileraarutinut annikippallaamik annertuallaartumilluunniit akiliutigineqarsimasinnaasut Akileraaruserinermik ingerlatsineq pillugu Inatsisartut inatsisaanni § 24-imi § 25-imiluunniit malittarisassat malillugit akilersinniarneqassapput tunniunneqarlutilluunniit. Taamatut pisoqarnerani innuttaasoq assersuutigalugu § 25, imm. 2 malillugu 2 procentimik aningaasanik tunineqarnissamik piunasaqsarinnaavoq.

Innuttaasup isertitarisartakkani skattekortip akileraarutinulluunniit allagartap tunniunneranni tunngavimmikkut malunnartumik allangorsimasut malugisimappagu, innuttaasoq taakkua allangorteqqullugit akileraaruseriffimmut qinnuiginnissinnaavoq, inatsisartut inatsisaanni § 14 takuuk. Aamma inatsisartut inatsisaanni § 15-imi aalajangersakkat soqutiginaateqarsinnaapput, matumani innuttaasoq ukiup ingerlanerani imaluunniit kingusinnerpaamik akileraaruseriffiup nammineerluni nalunaarsuiffimmik tigusineranit qaammat ataaseq qaangiutsinnagu akileraarutaagallartunut akiliuteqarpallaarsimasutut misigisimappat.

Siunnersuut aqutugalugu suliassaqarfimmi tassani akileraaruseriffiup suliassai malunnartumik ikilisinneqassapput.

Innuttaasumut tunngatillugu pineqartup aningaasaatikinnerulerneranik siunnersuut sunniuteqassaaq. Aamma tamanna innuttaasup Soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaat malillugu pisussaaffimminik naammassinninniarluni naammattumik akiliuteqarnerata kingorna piffissaq qaangiutereeraluartoq atuuppoq, tamannalu aamma skattekortimik nutaamik imaluunniit akileraarutissat allagartaannik nutaanik tunniussisoqarnissaa tikillugu atuuppoq.

Oqaasertaliussat AI2021-mit ingerlateqqitaapput.

- Nr. 6. Oqaasertaliussat kingunerisaannik nunani allani illersornissamut oqartussaasut sinnerlugit, Kalaallit Nunaanni kommunit agguarnerisa avataanni suliassat, aktiaateqarluni ingerlatseqatigiiffinnit imaluunniit piginneqataassuseqarluni ingerlatseqatigiiffinnit, Kalaallit Nunaanni najugalittut nalunaarsorsimasunit taakkunanilu

Kalaallit Nunaanni najugalinnik aqutsisulinnit taamaallaat suliarineqaqqusaapput. Aningaasarsianit akileraarutit pillugit Inatsisartut inatsisaanni § 1, imm. 1, nr. 3 aamma marloriaammik akileraarnissaq pinngitsoorniarlugu isumaqatigiissutit Kalaallit Nunaata isumaqatigiissuteqarfigisimasai malillugit ingerlatseqatigiiffiit Kalaallit Nunaannut tamakkiisumik akileraartussaataapput Nunatsinnilu najugalittut akileraartussaataallutik. Suliffeqarfinnut sanaartortut pisiortorfiinut suliffeqarfiillu sanaartortut suliassaasa ilaannik suliaqartunut aamma atuutissasoq siunnersuutigineqarpoq.

Sulianit iluanaarutit, pissarsiat isertitalu akileraarneqarnissaannik Kalaallit Nunaata pisinnaatitaaffiata illersornissaa oqaasertaliussanik siunertarineqarpoq.

Oqaasertaliussat Aningaasarsianit akileraarutit pillugit Inatsisartut inatsisaanni § 3, imm. 1, nr. 7-ip nanginneratut isigineqassapput, tassani inuit, sulliviit il.il. kungeqarfiup Danmarkip Amerikamilu naalagaaffeqatigiit naalakkersuisuisa Kalaallit Nunaata illersorneqarnissaa pillugu isumaqatigiissutaanni allaaserisami VII-imi ilanngunneqarsimasut akileraartussaataaangitsut pineqarput. Taamaattumik isumaqatigiissutigineqarsimasut oqaasertaliussani ataqqineqarput.

Aningaasarsianit akileraarutit pillugit Inatsisartut inatsisaanni § 3, imm. 1, nr. 7-imi Amerikamiut suliffeqarfii taakkunanilu sulisut, sakkutooqarfinnik imaluunniit Amerikami Naalakkersuisunik isumaqatigiissutit naapertorlugit sulisut akileraartussaajunnaarsinneqarput. Amerikarmiuunngitsut suliffeqarfii taakkunanilu sulisut illersornissaqarfimmi suligaluartut matumani pineqanngillat, ØLD 8. september 1983-imeersoq takuuk.

Oqaasertaliussat immikkut illuinnartunik pisoqartillugu, matumani illersornissamut oqartussat nunanit allaneersut suliaqarniarnerannik akornusiisinnaappata pisiortorfiit pisiortorfigisartagaannut atuutissanngitsut siunnersuutigineqarpoq.

Permanent Committeemi (Ataavartumik Ataatsimiititaliaq) oqaasertaliussani immikkoortup pingajuata qanoq paasisaasaanera matumanilu immikkut akuersissutit eqqartorneqassapput isumaqatigiissutigineqarlutillu. Kalaallit Nunaata illersorneqarnissaa pillugu isumaqatigiissutip 27. april 1951-imeersup allanngortinneqarnera ilaneqarneralu pillugit Amerikami Naalagaaffeqatigiinnik isumaqatigiissut 6. august 2004-meersoq naapertorlugu Ataavartumik Ataatsimiititaliaq pilersinneqarpoq. Namminersorlutik Oqartussat Nunanut Allanut Naalakkersuisoqarfimmi ataatsimiititaliami aallartitaqarput.

Suliffeqarfiit tamarmik Kalaallit Nunaanni kommunit agguarnerisa avataanni nunani allani illersornissamut oqartussaasut sinnerlugit suliaqartut pisussaaffeqarput. Suliffeqarfik nunani allani illersornissamut oqartussaasunik isumaqatigiissuteqartoq aktiaateqarluni imaluunniit piginneqataassuseqarluni ingerlatseqatigiiffiussaaq Kalaallit Nunaannilu najugaqarluni, taamatuttaaq aqutsisut Kalaallit Nunaanni najugaqassallutik.

Aqutsisut Kalaallit Nunaanni najugaqarnissaannut tunngasumi ingerlatseqatigiiffiup pisortaaneqarfimmit, siulittaasunit aktiaatilinnilluunniit aqunneqarnera apeqqutaatinnagu ulluinnarni aqutsinerup Kalaallit Nunaanni ingerlanneqarnissaa pineqarpoq.

Ulluinnarni aqutsisut ataatsimeersuarnerni aalajangikkat aalajangiiffigineq ajorpaat. Aqutsisut Kalaallit Nunaanni najugaqarnissaannik piumasaqaammi aktiaatillit nunani allani najugaqannginnissaat piumasaqaataaangilaq, ingerlatseqatigiiffiulliuna ulluinnarni Kalaallit Nunaanni aqunneqarnissaa piumasaqaataasoq. Ingerlatseqatigiiffiup ingerlatseqatigiiffimmit nunani allani najugalimmit ingerlatseqatigiiffiutigisinnaanera oqaasertaliussani piumasaqaatigineqanngilaq.

Oqaasertaliussani immikkoortut aappaat naapertorlugu suliffeqarfiit, sanaartortut suliassaasa ilaannik suliqartut, pisiortortarfiit pisiortorfigisartagaat assigisaalluunniit, kommunit agguarnerisa avataanni sulinissamut illersornissamut oqartussaasunik nunanit allaneersunik isumaqatigiissuteqarsimasoq sinnerlugu suliqartut imaluunniit sanaartortut suliassaasa ilaannik suliqartut suliassaasa ilaannik suliqartut il.il., pisiortortarfiit pisiortorfigisartagaasa pisiortorfii il.il. aamma pisussaaffeqarput.

Aktiaateqarluni ingerlatseqatigiiffittut piginneqataassuseqarluniluunniit ingerlatseqatigiiffittut Kalaallit Nunaanni najugalittut nalunaarsorsimanissamut pisussaaffik aqutsisullu Kalaallit Nunaanni najugaqarnissaannik qulakkeerinninnissaq, suliffeqarfiup pisiortortarfinni ataqatigiissuni sorlermi ilaanersoq apeqqutaatinnagu aamma atuupput.

Oqaasertaliussani immikkoortut pingajuanni, ingerlatseqatigiiffiit oqaasertaliussani pineqartut pisiortortarfiup pisiortorfigisaanik pisussaaffilerneqanngitsumik, pisuni immikkut illuinnartuni, matumani illersornissamut oqartussaasut nunanit allaneersut suliassamik isumaginninnissaat akornuserneqarsinnaappat atuisinnaaneri pineqarpoq. Pisut immikkut illuinnartut tassaatinneqarput assersuutigalugu teknikkikkut piginnaasanik amigaateqarneq, kalaallit suliffeqarfiutaannit neqeroorutinik amigaateqarneq imaluunniit suliassap pissusissamisuunngitsumik sivisuumik sularineqarnera.

Oqaasertaliussat isumaqatigiissutinut 1. januar 2021 aallarnerfigalugu isumaqatigiissutigineqartunut atuuttut oqaasertaliussani immikkoortut sisamaanni erseqqissarneqarpoq.

Oqaasertaliussat imarisaat inatsisissatut siunnersuummut 2021-p ingerlanerani saqqummiunneqartussamut ilanngunneqarnissaat naatsorsuutigineqarpoq.

Oqaasertaliussat AI2021-mit ingerlateqqitaapput.

- Nr. 7. Oqaasertaliussaq aningaasanut inatsisissamut isumaqatigiinniarnernut atatillugu sularineqarpoq. Oqaasertaliussap piginnaatippaa 2022-mi immikkut ittumik soraarnerussutisiaqalernissamut aqqissuussinermut peqataasussaatitaaneq pillugu Inatsisartut inatsisaat malillugu ukiumi isertitaqarfiusumi 2018-mi, 2019-mi 2020-milu akiliuteqartussaatitaanermut pisussaaffiit atorunnaarsinneqarnissaat. Ilanngullugu Akileraartarnermut Aqutsisoqarfik piginnaatinneqarpoq 2018-mut, 2019-mut 2020- mullu atatillugu soraarnerussutisiaqalernissamut aqqissuussinermut peqataasussaatitaaneq malillugu akiliutigitinneqarsimasut, suli Akileraartarnermut Aqutsisoqarfimmiit soraarnerussutisiaqalernissamut aqqissuussinermut akiliutigineqarsimangitsut, akilernissaannut.

Oqaasertaliussaq immikkut ittumik ukiumi ataatsimi aqqiineruvoq, taannalu 2022-mut ataasiarluni piginnaatitsissummik imaqarluni.

“Akiliuteqartussaanermut pisussaaffiup eqquutsissimanginneranut” oqarnermi pineqarpoq soraarnerussutisiaqalernissamut aqqissuussinermut peqataasussaatitaaneq pillugu Inatsisartut inatsisaanni § 3 aamma § 7 naapertorlugu ileqqaartussaatitaanermut pisussaaffiit, taakku ukiumi isertitaqarfiusumi naatsorsorneqarsimasut aammalu ulloq 1. januar 2022-mi suli eqquutsinneqarsimangitsut, soorlu assersuutigalugu innuttaasoq soraarnerussutisiaqalernissamut aqqissuussinermut peqataasussaatitaanermut akiliuteqarsimangippat, imaluunniit Akileraartarnermut Aqutsisoqarfik akiligassiisimappat, kisiannili taanna soraarnerussutisiaqalernissamut aqqissuussinermut peqataasussaatitaaneq pillugu Inatsisartut inatsisaanni § 7 naapertorlugu suli aqqissuussinermut akiliisimangippat. Aalajangersakkami siunertaavoq inuk, ukiuni siulliniit soraarnerussutisiaqalernissamut aqqissuussinermut peqataasussaatitaanermut

akiliuteqarsimanninnini pequtugalugu, annertuallaamik kinguaattuunnginissaa anguniarlugu.

Inuit arlaqartut Akileraartarnermut Aqutsisoqarfimmi akiliuteqarnikuupput, taakku akileraartarnermut uppersaat qaffasinnerusumik akileraartussaaitaanermik imaqartoq aallaavigalugu akilersinneqarnikuullutik. Taakku aningaasat immikkut nalunaarsorneqarnikuupput ataasiakkaat aningaasanut piginnittut soraarnerussutisiaqalernissamut aqqissuussinermut inatsisit malillugit akiliutigisimasaat. Oqaasertaliussap piginnaatippaa Akileraartarnermut Aqutsisoqarfiup aningaasat taakku, uninngasuutigineqartut, innuttaasunut ataasiakkaanut akiliutiginissaannut. Oqaasertaliussami matumani siunertarineqarpoq piginnaatitsissalluni, Akileraartarnermut Aqutsisoqarfiup 2021-mi pineqartumut, aningaasat soraarnerussutisiaqalernissamut aqqissuussinermut peqataasussaaitaaneq pillugu inatsimmi § 7, imm. 6-p imarisap apeqqutaatinnagit soraarnerussutisiaqalernissamut aqqissuussinermut aningaasat nuunnagit, akililutiginissaannut.

Aningaasat akiligassiisutigineqarsimasut 2022-mi aallarniutugalugu akiliutigineqassapput 2021-mut isertitat naatsorsorneranni akileraarutit akiliutigivallaarneqarsimasut akiliutigineqarnissaat pillugu malittarisassat naapertorlugit, takuuk akileraaruserinermik ingerlatsineq pillugu Inatsisartut inatsisaanni § 25. Taamaattoq innutaasut ataasiakkaat Akileraartarnermut Aqutsisoqarfimmut piumasaqarnerisa kingorna aningaasat akiliutiginissaat piumasarinnaavaat akileraarutaagallarsimasut akiliutigivallaakkat akiliutiginissaat pillugu malittarisassat naapertorlugit, takuuk § 15 inatsimmi siuliani taaneqartumi.

Naatsorsuutigineqartariaqarpoq oqaasertaliussap kingunerissagaa ukiumut pineqartumut kiisalu 2022-mut tunngatillugu soraarninngornissamut akiliutit appariaateqarnerat. Tamanna inuiaqatigiit aningaasaqarneranni attassisinnaanermut ajornartorsiutaasunik annertunerulersitsissaaq aammalu siunissami utoqqanngorumaartussat akornanni naliginnginnerulernermik kinguneqarsinnaalluni. Oqaasertaliussap matuma ilusilersorneranut nukingiuussisoqarnera pequtugalugu, imaassinnaavoq oqaasertaliussamut uunga tapiliussisoqarnissaa pisariaqalersoq, taannalu 2022-p ingerlanerani oqaasertaliussanut ilassuteqarnikkut pisinnaavoq.

Oqaasertaliussaq nutaajuvoq.

- Nr. 8. Soraarnerussutisiaqalernissamut aqqissuussinermut peqataasussaaitaaneq pillugu Inatsisartut inatsisaat malillugu Akileraartarnermut Aqutsisoqarfik soraarnerussutisiaqalernissamut akiliutinut amigaatigineqartunut, ukiumi pineqartumi akiliuteqarnissamut pisussaaffiusup aammalu soraarnerussutisiaqalernissamut aqqissuussinermut akiliutigineqarsimasut 2.000 kr.-it sinnersimappagit, taakku nikingassutaannik akiligassiisinnaavoq. Akiliuteqarnissamut minnerpaaffiusoq tassani pineqartoq, Inatsisartut inatsisaanni nr. 18, 30. november 2020-imeersumi ilanngunneqarpoq.

Oqaasertaliussami siunertaavoq killissarititaasup 4.000 kr.-inut qaffanneqarnissaa anguniarlugu inuit ikinnerusut akiliuteqarnissamut pisussaaffimmik eqquutsisimannigitsut akileraartarnermut uppersaat atorlugu qaffasinnerusumik akileraartussanngortinneqarsimasut ikinnerpaajunissaat anguniarlugu.

Oqaasertaliussap kingunerissavaa § 3, imm. 1-mi imm. 2-milu aningaasartat 150.000-niit 175.000 kr.-inut allanngortinneqarnissaat. Tamatuma malitsigisaanik § 3, imm. 3 aamma imm. 4-mi aningaasartat 100.000 aamma 150.000 ukkununga allanngortinneqassapput 125.000 aamma 175.000-nut. Tassa imaappoq ileqqaartussaaitaanermut tunngaviusut 0

procentimiit inunnut 125.000 kr.-inik ileqqaarnissamut tunngavigisartumiit 100 procentimut inunnut 175.000 kr.-inik ileqqaarnissamut tunngavigisaqartunut.

Naatsorsuutigineqartariaqarpoq oqaasertaliussap kingunerissagaa ukiumut pineqartumut kiisalu 2022-mut tunngatillugu soraarninngornissamut akiliutit appariaateqarnerat. Tamanna inuiaqatigiit aningaasaqarneranni attassisinnaanermut ajornartorsiutaasunik annertunerulersitsissaaq aammalu siunissami utoqqanngorumaartussat akornanni naliginnginnerulernermik kinguneqarsinnaalluni.

Oqaasertaliussaq nutaajuvoq.

- Nr. 9. Oqaasertaliussap Akileraartarnermut Aqutsisoqarfik piginnaatitaa kommunimit angerlarsimaffigisamiit inassuteqartoqarnerata kingorna akiliuteqarnissamut pisussaaffiup eqquutsinneqarsimangitsup appartinnissaanut imaluunniit pisussaaffiup taassuma atorunnaarsinnissaanut. Oqaasertaliussap kingorna Akileraartarnermut Aqutsisoqarfik taamaasilluni, innuttaasumut taamatut akiligassiineq kinguneqartussaangitsutut isikkoqarpat, taava akiligassat akilersornissaannut pisussaaffimmik atorunnaarsitsisinnaavoq. Tassunga piumasaqaataavoq innuttaasup ukiut sisamat iluanni akiliute qarnissamut pisussaaffimmik eqquutsitsisinnaannginneranut takussutissaqanngimmat. Killiliussaq aalajangersarneqarpoq soraarnerussutisiaqalernissamut aaqqissuussinermit peqataasussaataaneq pillugu Inatsisartut inatsisaat malillugu Akileraartarnermut Aqutsisoqarfik pisussaaffinnik ukiut sisamat sinnerlugit pisoqaassusilinnik akiligassiisuteqarsinnaanngimmat. Ilanngullugu aamma piumasaqaataavoq akiliuteqarsinnaannginnermut peqquteqassammat, innuttaasooq timikkut imaluunniit tarnikkut sakkortuumik nappaateqassammat. Innuttaasup angerlarsimaffiani kommuni nappaatip qanoq ittuuneranik uppersaasussaavoq.

Oqaasertaliussaq nutaajuvoq.

Kontumut pingarnermut, 24.11.10 Nioqqutissanik eqquusuinermit akitsuutit

- Nr. 1. Nioqqutissanik eqquusuinermit akitsuutit pillugit Inatsisartut inatsisaanni § 1, imm. 1, nr. 21 naapertorlugu akiliisussaataaernerit qamutitut motorilinnut taamaallaat innaallagissamik brintimilluunniit ingerlatilinnut, kiisalu plug-in-hybridbiilinut, batteriini innaallagissamik immeqqinneqarsinnaasunik ingerlatilinnut 1. januar 2023 tikillugu atuutsinneqassanngillat.
- Nr. 2. Nioqqutissanik eqquusuinermit akitsuutit pillugit Inatsisartut inatsisaat nr. 19, 30. oktober 1992- imeersoq naapertorlugu nioqqutissat § 1, imm. 1 nr. 11-12 kiisalu § 1, imm. 1, nr. 16 aamma nr. 17 litra f-miittut kiilumut 0 kr.-lerput ulloq 1. januar 2023 tikillugu. Nioqqutissat Grønlandshavnen Aalborgip talittarfianiittoq aqqutigalugu eqquusorneqartut pinnagit, nioqqutissat Danmarkimi talittarfimmiit eqqunneqarsimasut, akitsuusiisarfimmut eqqunneqarsimasut, nioqqutissat umiarsuup iluanut eqqunneqarsimasut, Kalaallit Nunaannut nassiussat pineqarput.

Kontumut pingarnermut, 24.11.10 Nioqqutissanik eqquusuinermit akitsuutit, nassuiaatit

- Nr. 1. Qamutit motorillit taamaallaat innaallagissamik brintimillu ingerlatillit

eqqunneqarneranni nioqqutissanik eqqussuinermi akitsuummik aamma qamutit motorillit akileraarutaannik akiliinngikkallarnissaq pillugu Inatsisartut inatsisaat nr. 8, 29. november 2013-imeersoq naapertorlugu akitsuutitut akiliinngikkallarnissaq ukiumik ataatsimik oqaasertaliussatigut sivitsorneqarpoq, kontumullu pingaarnermut matumunnga oqaasertaliussatigut kingullermik 31. december 2022 tikillugu sivitsorneqarluni.

Oqaasertaliussat AI2021-mit ingerlateqqitaapput.

- Nr. 2. Oqaasertaliussaq ukiumi ataatsimi akitsuusiinnginnissamik imaqarpoq. Oqaasertaliussaq tunuliaqutaqarpoq 2022-mut aningaasanut inatsimmut isumaqatigiisummik, tassani partiit tunuliaqutaasut kissaatigaat innuttaasut inuuniarnermi atugarisaasa pitsanngorsarnissaat. Naatsorsuutigineqarpoq nioqqutissanik eqqussuinermi akitsuutit pillugit Inatsisartut inatsisaata allanngortinneqarnissaa pillugu inatsisissatut siunnersuummik Inatsisartut 2022-mi ukiakkut ataatsimiinneranni saqqummiussisoqarnissaa. Oqaasertaliussaq manna AI2022-mut ilangukkusunneqarpoq qulakkeerniarlugu kaffit assigisaalu, tiit assigisaalu, timmissat aammalu timmianik nioqqutissat piareersariikkat imaluunniit asiutsaaliukkat eqqussorneranni akitsuutit atorunnaarsikkallarnissaannik piginnaatitsinissaq inatsisip allannguutaata akuersissutigineqarnissaata tungaanut. Oqaasertaliussami aamma erseqqissarneqarpoq qaqugukkat nioqqutissaq akitsuusiuffiusumut eqqunneqarnersoq. Akitsuutit naatsorsorneqassapput, ulloq taanna nioqqutissap akitsuusiuffiusumut eqqunneqarnera aallaavigalugu. Oqaasertaliussaq nutaajuvoq.

Kontumut pingaarnermut, 24.11.12 Raajanut akitsuutit.

Nunaanni aalisarnermi pisarineqartut isumalluutitik atuinermut akitsuutaat pillugit Kalaallit Inatsisartut inatsisaanni nr. 46, 23. november 2017-imeersumi § 6, imm. 2 naapertorlugu raajanut Svalbardip Brentillu imartaanni pisanut akitsuutip procentia raajat Svalbardip Brentillu imartaanni pisat akiisa agguaqatigiisinnerat aallaavigalugu aalajangersarneqassaaq. Oqaasertaliussat raajanut ukiumi 2022-mi pisarineqartunut sunniuteqarput.

Kontumut pingaarnermut, 24.11.12 Raajanut akitsuutit, nassuiaatit.

Raajarniarsinnaanermut isumaqatigiinniarnep ilaattut Kalaallit Nunaat Svalbardimi Barentillu imartaanni raajartassinneqarpoq. Taakkuninnga raajanik tunisinermi akit Kalaallit Nunaanni raajarniarnerup akiinit appasinnerusut paasineqarpoq. Sumiiffimmi raajat mikinerunerat kiisalu kilisaatit sumiiffinni taakkunani raajarniartartut raajanik suliarinninnissamut atortorissaaruteqannginnerat tamassumunnga pissutaapput. Ullumikkut Svalbardimi Barentillu imartaanni raajarniarneq iluanaarutitakippoq. Akit appasinnerisa saniatigut aalisarfiit Kalaallit Nunaannit ungasinnerunerat pissutigalugu pisanut aningaasartuutit qaffasinnerunerat tamatumunnga pissutaapput. Peqatigisaanillu umiarsuaatileqatigiiffiit raajarniarnermut akigititaasa agguaqatigiisinnerat tunngavigalugu

pisuussutitut akitsuummik akiliisussaananerit pissutigalugu akilersinnaassusaa annikillineqarluni. Svalbardimi Barentillu imartaani raajarniarnermit tunisat tunngavigalugit akitsuummik procentimut immikkut naatsorsuinikkut ajornartorsiutit ikilisarneqarsinnaapput. Tamanna aalisarnerup akilersinnaassusaanut sunniuteqassaaq, pissutigalugu kilisaatit Svalbardip Barentillu imartaani maannamut raajarniaqataasimasut taamaattut aalisarnissamut naleqqunnerpaangimmata.

Oqaasertaliussat AI2021-mit ingerlateqqitaapput.

Kontumut pingaarnermut, 24.11.14 Naqissusiinermut akitsuutit.

Naqissusiinermut akitsuuteqartitsinnginneq

Ilanngussaq 2, oqaasertaliussat kiisalu oqaasertaliussanut nassuiaatit.

Allagaatit, taarsigassarsinermit uppersaataatit, allaqqitat, atsiernerit il.il., Royal Arctic Line A/S-ip Nuummi umiarsualivimmi illutaasa Namminersorlutik Oqartussanut tunniunneqarnerannut kingornalu illut suliffeqarfimmik imminut pigisumut tamanut iluaqataasumut, Tikeraat ornittagaannik takornariartitsivinnillu pilersitsisarneq ingerlatsinerlu pillugit Inatsisartut inatsisaat nr. 25, 28. november 2016-imeersoq naapertorlugu Namminersorlutik Oqartussanit pilersinneqartumut tunniunneqartunut atatillugu suliarineqartunut pisortanut naqissusiinermi akitsuutinik akileraaruserneqassanngillat.

Kontumut pingaarnermut, 24.11.14 Naqissusiinermi akitsuutit, nassuiaatit

Royal Arctic Line A/S-ip illuutinik oqaasertaliussani taaneqartunik suliffeqarfimmik nammineq pigisumut soorlu takornarianut saaffiginniarfimmik pilersitsinissamut atugassatut tunniussinnaanera oqaasertaliussatigut periarfissiissutigineqarpoq. Illuutinik tunniussinermut atatillugu Royal Arctic Line A/S-ip suliffeqarfiulluunniit nammineq pigisup illuutinik tiguisup naqissusiinermi akitsuutinik akiliisariaqarnissaa oqaasertaliussakkut periarfissiissutigineqanngilaq.

Oqaasertaliussat AI2021-mit ingerlateqqitaapput.

Kontumut pingaarnermut, 24.11.20 Akitsuutit, akiliilluni aallaaniarneq aalisarnerlu

Piniarneq aallaaniarnerlu pillugit Inatsisartut inatsisaani nr. 12, 29. oktober 1999-imeersumi akiliilluni aallaaniarneq pillugu § 7 naapertorlugu aamma Aalisarneq pillugu Inatsisartut inatsisaanni nr. 18, 31. oktober 1996-imeersumi § 8, imm. 3 aamma 4 naapertorlugit akiliutigineqartussat makku aalajangersarneqarput: Akuersissummut ataatsimut akiliut imatut aalajangersarneqarpoq: Umimmaat, uumasooq ataaseq 2.000 kr. Tuttut, uumasooq ataaseq 1.000 kr. Piniagassanut minnernut akuersissut, ullormut 200 kr. Piniagassanut

minnernut akuersissut, sap.akunneranut 1.000 kr. Aalisarsinnaanermut, ullormut 75 kr.
Aalisarsinnaanermut, sap.akunneranut 200 kr. Aalisarsinnaanermut, qaammammut 500 kr.

Kontumut pingaarnermut, 24.11.20 Akitsuutit, akiliilluni aallaaniarneq aalisarnerlu, nassuiaatit.

Akiliilluni aallaaniarneq pillugu Piniarneq aallaaniarnerlu pillugit Inatsisartut inatsisaanni nr. 12, 29. oktober 1999-imeersumi § 7-imit aamma Aalisarneq pillugu Inatsisartut inatsisaanni nr. 18, 31, oktober 1996-imeersumi § 8, imm. 3 aamma 4-mit kingunerisaannik oqaasertaliussat pilerput, inatsisini aalajangerneqarluni akiliutissaq aningaasanut inatsimmi aalajangersarneqassasoq. Akiliilluni aallaaniarneq pillugu Piniarneq aallaaniarnerlu pillugit Inatsisartut inatsisaanni nr. 12, 29. oktober 1999-imeersumi § 7, aamma Aalisarneq pillugu Inatsisartut inatsisaanni nr. 18 31, oktober 1996-imeersumi § 8, imm. 3 aamma 4 misissoqqinneqarpata akiliutigineqartartunut aalajangersagaq aningaasanut inatsimmit peerneqassaaq.

Oqaasertaliussat AI2021-mit ingerlateqqitaappu

Kontu pingaarneq, 24.11.22 Sulisoqarnermut akitsuummut.

Sulisoqarnermut akitsuut pillugu Inatsisartut inatsisaanni nr. 10, 2. november 2006-imeersumi § 2a, imm. 1 malillugu 2022-mi akitsuut 2020-mi ukiakkut ataatsimiinnermi allangortinneqartutut 0,2 pct.-iussaaq.

Kontu pingaarneq, 24.11.22 Sulisoqarnermut akitsuummut, nassuiaatit.

Oqaasertaliussat Sulisoqarnermut akitsuut pillugu Inatsisartut inatsisata allangortinneqarnera pillugu Inatsisartut inatsisaat nr. 9. 19. november 2020-imeersumi § 2 a-mik (Erninermi aningaasaateqarfimmik aningaasalersuinissaq) malitseqatitsineruvoq.

Suliffeqarfinnut namminersortunut tunngatillugu sulisitsisut namminersortut ernereernermut aningaasaateqarfimmut inatsisartut inatsisaani siuliani taaneqartumi naatsorsuutigisatut 2022-mi akissarsiat tamarmiusut akitsuusiiffiginissaattut 0,2 pct.-iannut aalajangersarneqassasoq siunnersuutigineqarpoq.

Oqaasertaliussat AI2021-mit ingerlateqqitaapput.

KALAALLIT NUNAANNI AKILERAARUTIT 2022


- TAMAKKIISUMIK SISAQARNEQ

Atuarnissaanut ilitsersuut: Kisitsisit tamarmik koruuninut tusindinut allanneqarput. Naatsorsuutitigut soorlu nassuiaatigineqartoq kisitsisit minusertallit tassaapput isertitat nalinginnaasumillu kisitsisut aningaasartuutaallutik.

	Aningaasaliissut 2022	Atuineq 2022	Assigiingissut	Atuinerit %- nngorlugit	Atuineq 2021	Ineriartorneq % 2020 - 2021	
Akilerartarnermut Aqutsisoqarfik IST-ip inernera	-2388.648	-2699.214	-310.566	113%	-2375.700	14%	
Akilerartarnermut Aqutsisoqarfiap allaffeqarfiat	80.774	79.587	-1.187	99%	81.653	-3%	
Toqqaannartumik akileraarutit							
Pissarsiassat siusinnerusukkut taamaatinneqarsimasut	-7.000	-7.545	-545	108%	-8.836	-15%	
Sulisitsisuni uninngatitsinerit	500	13	-487	3%	0	1300%	
Akileraarutinut akiliitsissutit	-5.000	-46	4.954	1%	-6.534	-99%	
Akitsuutinut akileeqqusissutit	-200	-256	56	128%	-76	237%	
Ernianut tapiissutit, ileqqaaruteqarnissamik aaqquissuussineq	2.000	2.858	858	143%	1.839	55%	
Pensionisiant tapiissutit	200	46	-154	23%	324	-86%	
Nuna tamakkerlugu akileraarut	-1246.275	-1378.577	-132.302	111%	-1203.056	15%	
Nuna tamakkerlugu immikkut akileraarut	-90.000	-95.168	-5.168	106%	-86.964	9%	
Ingerlatseqatigiiffiit akileraarutaat, namminersornerullutik oqartussat suliffeqarfiutaat	-15.600	-1.054	14.546	7%	-15.695	-93%	
Toqqaannangitsumik akileraarutit							
Nioqutissanik eqqussuinermit akitsuutit	-554.800	-606.085	-51.285	109%	-601.537	1%	
Motoorinut akitsuut	-89.900	-95.833	-5.933	107%	-93.674	2%	
Raajanut akitsuut	-241.900	-319.489	-77.589	132%	-204.321	56%	
Umiarsualivimmiinnermut akitsuutit	-5.000	-14.032	-9.032	281%	-5.429	158%	
Naqissusiinnermut akitsuut	-53.000	-40.992	12.008	77%	-58.495	-30%	
Eqquiniaatitsinermit akitsuutit	-4.000	-3.899	101	97%	-3.490	12%	
Aningaasanik ikisilluni pinguaatinut akileraarutit	-5.500	-4.917	583	89%	-5.252	-6%	
Akitsuutit, akiliilluni piniarneq aalisarnerlu	-200	-43	157	22%	-46	-7%	
Tips og Lotto	-9.847	-	9.847	0	100%	-9.847	0%
Sulisoqarnermut akitsuut	-114.000	-113.791	209	100%	-98.325	16%	
Avatangiisinut akitsuut	-16.000	-15.416	584	96%	-17.008	-9%	
Qaleralinnut akitsuut	0	0	0	0%	0	0%	
Qaleralinnut akitsuut	-75.400	-91.750	-16.350	122%	-87.360	5%	
Aalisakkanut ikerinnaasiortunut akitsuut	-36.900	-69.332	-32.432	188%	-39.498	76%	

Toqqaannartumik akileraarutit ineriartornerat

Nunatta toqqaannartumik akileraarutinit isertittagaasa amerlassusii piffissami 2013-imiit 2022-mut ataatsimut isigalugit aalaakkaasumik amerliartuaarsimapput. 2021-miit 2022-imut appariaatit amerlanngitsut qaffariaammut saassimapput, taamaammata ukiuni kingullerni 10-ni amerliartornerat ingerlaannarpoq. Selskabit Namminersorlutik Oqartussat pigisaasa akileraarutaasigut isertitat piffissami allanngorangaatsiarsimapput. Tamanna 2022-mi erseqqarinneruvoq, tassami isertitat ukiunut siusinnerusunut sanilliullutik appasinnerujussuummata. Tassunga pissutaavoq selskabinit 7-init 3-ginnaat sinneqartooruteqarsimanerat, tamannalu Covid-19-p kingunerluutaatut taasariaqarunarpoq.




	2013	2014	2015	2016	2017	2018	2019	2020	2021	2022
Nuna tamakkerlugu akileraarut	913.165	875.984	954.710	1049.829	1018.786	1077.764	1096.763	1264.651	1203.056	1378.577
Nuna tamakkerlugu immikkut akileraarut	113.171	116.551	114.940	109.853	78.565	99.517	83.041	88.880	86.964	95.168
Namm. Oqartussat suliffeqarfiutaat akileraarutaat	25.108	34.408	42.254	114.661	113.663	59.531	47.045	66.493	15.695	1.054
Toqqaannartumik akileraarutit	1.051.444	1.026.943	1.111.904	1.274.343	1.211.014	1.236.812	1.226.849	1.420.024	1.305.715	1474.799

Toqqaannangitsumik akileraarutit allanngoriartorneri

Toqqaannangitsumik akileraarutit tassaapput akitsuutit. Toqqaannangitsumik akileraarutit ineriartornerat ataani takuneqarsinnaavoq.

Nunatta toqqaannangitsumik akileraarutitigut isertitaasa amerlassusii piffissami 2013-imiit 2022-mut ataatsimut isigalugit aalaakkaasumik amerliartuaarsimapput. Nunatta 2022-mi isertitai annertuumik qaffiarsimapput, tamatumunngalu pissutaanerpaajuvoq Raajanut akitsuutitigut aamma aalisakkat ikerinnarsiortut akitsuutaasigut isertitat qaffasinnerusimanerat.




	2013	2014	2015	2016	2017	2018	2019	2020	2021	2022
Toqqaannangi tsumik akileraarutit	823.361	934.310	901.061	1020.487	1034.722	1195.291	1203.070	1234.707	1224.282	1385.426

Aalisarnermut akitsuutit allangoriartorneri

Aalisakkat akitsuutaat taakkulu allangoriartorneri toqqaannangitsumik akitsuutitigut isertitat 1/3-iisa (pingajorarterutaasa) missaanniipput.

Pingaartumik raajat aalisakkallu ikerinnarsiortut akitsuutaasigut isertitat 2022-mi annertuumik qaffariaput. Akitsuutit taakku 2022-mi allangoriartorsimanerat pillugu itinerusumik nassuiaat ataani takuneqarsinnaavoq.

	2015	2016	2017	2018	2019	2020	2021	2022
Raajanut akitsuut	153.000	167.500	175.400	263.300	263.800	261.700	204.321	319.489
Qaleralinnut akitsuut	29.800	53.900	47.800	94.300	97.600	89.415	87.360	91.750
Aalisakkanut ikerinnaasiortunut akitsuut	28.700	47.200	36.100	46.900	43.800	30.925	39.498	69.332
Aalisarnermut akitsuutit inerera	211.500	268.600	259.300	404.500	405.200	382.040	331.179	480.571



Raajat isumalluutininik atuinermut akitsuutaasa allanngoriartornerat

Raajat akitsuutaasigut amerlanerusunik isertitaqarneq raajat qalipaajarneqanngitsut 2022-mi avammut nioqqutigineqarneranni akiisa aamma tunisinermi akiisa qaffakkiartorsimanerannik pissuteqarpoq. Avammut nioqqutigineqarneranni akiisa qaffakkiartorsimanerat 2022-mi ukiup affaani kingullermi avammut nioqqutigineqartut akitsuutaasa qaffariarsimanerannut pissutaaqataavoq. Raajat qalipaajarneqanngitsut avammut nioqqutigineqarneranni 2022-mi akii 2021-imi akiinut sanilliullugit agguaqatigiissillugit 28,0%-ip missaanik qaffassimapput. Taamatuttaaq tunisinermi 2022-mi akii 2021-mi akiinut sanilliullugit agguaqatigiissillugit 3,0%-imik qaffassimapput.

Raajat akitsuutaasigut isertitat qaffariarnerat pingaartumik avammut nioqqutigineqarneranni akiisa qaffariarnerannik pissuteqarpoq, aammali raajat akitsuusigassat 2022-mi avammut nioqqutigineqartut amerlassusiat 2021-mut sanilliullugu annertuumik qaffariarsimavoq.

Avammut nioqqutigineqarneranni akiisa 2020-mi 2021-milu COVID-19-ip kingunerisaanik appariarsimanerigaluat ilorraap tungaanut saassimasorinarpoq.

Aalisakkat ikerinnarsiortut isumalluutininik atuinermut akitsuutaasa allanngoriartornerat

2022-mi isertitat 2021-mut sanilliullugit malunnartumik qaffassimanerannut pissutaaneruvoq saarullit 2022-mi avammut nioqqutigineqarneranni agguaqatigiissillugit akiisa 2021-mut sanilliullugit aatsaavissuaq taamak qaffariartigisimanerat, tassami 2022-mi akii 2021-mut sanilliullugit 50,0 pct.-ip missaanik qaffariarsimammata.

Saarullit akitsuutaat akiannit aalajangigaammat avammut nioqqutigineqarneranni akiisa qaffariaataat taanna isertitanut annertuumik sunniuteqarsimavoq.

Nioqqutissanik eqqussuinermi akitsuutit

Toqqaannangitsumik akitsuutitigut 2022-mi isertitat ilaat 43,75%-it nioqqutissanik eqqussuinermi akitsuutineersuupput. Nioqqutissanik eqqussuinermi akitsuutitigut isertitat tabelimi ataaniittumi takutinneqarput. Ukiog 2022 ukiumut 2017-imut sanillinneqarpoq. Ukiut tallimat ingerlaneranni qaffariaataat tamarmiusoq kisitsisit sanileriaat talerperlersaanni allaqqavoq.

Nioqqutissanik eqqussuinermi akitsuutit	2017	2022	Ukiuni tallimani ineriartorneq
Sukkut, kaffit/tiit sukulaatillu*	-49.490	-61.296	24%
Imigassat aalakoornartortallit**	185.077	210.014	13%
Imeruersaatit poortuutissallu ***	-51.588	-84.524	64%
Pilerisaarutit naqitat	0	-556	Akitsuut nutaaq
Tupanik nioqqutissiat	149.436	192.110	29%
Neqinik tunisassiat	-18.989	-15.004	-21%
Qamutit motoorillit	-49.887	-32.165	-36%
Tipigissaatit	-3.599	-5.779	61%
Qummoroortaatit	-1974	-4.218	114%

*Kaffit tiillu akitsuutaat 1.1.2022 aallernerfigalugu atorunnaarsinneqarput.

**Imigassat aalakoornartortallit kisitsisitaat marluupput: 'Imigassat aalakoornartortallit' aamma imigassat nunami maani tunisassiarineqartut; 'Immiorfeqqat akitsuutaat'.

*** Imeruersaatit poortuutissallu kisitsisitaat marluupput: 'Imeruersaatit poortuutissallu' aamma 'Nuuk Imeq Sodavandit'.

2022-ip ingerlanerani akiitsut ineriartorneri

Akiitsut 2021-miit 2022-imut 1.35 mia. kr.-iniit 1.55 mia. kr.-inut qaffapput. Tassa 15.72 %-inik qaffariarneq. Tabellimi ataaniittumi januar 2022-miit, februar 2023-mut akiitsut ineriartorneri takutinneqarput.

Akiligassat kinguaattoorutit suunerat	Suliat amerlassusiat Januar 2022	Akiligassat kinguaattoorutit Januar 2022	Suliat amerlassusiat Januar 2023	Akiligassat kinguaattoorutit Januar 2023	Suliat amerlassusiat Procentinngorlugu allannguut	Akiligassat kinguaattoorutit Procentinngorlugu allannguut
Meeqqanut akilersuutit	84.211	418.120.628	86.979	429.345.266	3,29%	2,68%
Akileraarutissat sinneri	221.548	500.826.922	318.189	591.866.055	43,62%	18,18%
ESU	67	33.558.624	62	26.985.505	-7,46%	-19,59%
Akileraarutit A-t	25.164	124.168.367	48.271	217.638.321	91,83%	75,28%
Ingerlatseqatigiiffiit akileraarutaat	470	19.104.666	537	17.384.582	14,26%	-9,00%
Ineqarnermut akiliutit	9.042	44.248.826	9.701	47.051.233	7,29%	6,33%
Akileraarutit erniaat	657	1.257.948	2.666	2.708.572	305,78%	115,32%
Kommuninut akiligassat kinguaattoorutit assigiinngitsut	12.316	42.131.290	12.735	43.808.339	3,40%	3,98%
Ikiorssiisutit utertinneqartussaataasut	3.948	23.550.261	3.678	21.990.195	-6,84%	-6,62%
Ilinniarnermi taarsigassarsiat	927	8.884.058	1.229	13.586.188	32,58%	52,93%
Meeqqeriviit	22.440	15.504.349	23.266	16.641.396	3,68%	7,33%
Eqqaavilerineq	94.217	35.097.519	91.798	39.462.444	-2,57%	12,44%
Kommunini inuussutissarsiutinut taarsigassarsiat	7	65.985	7	65.985	0,00%	0,00%
Assigiinngitsut Namminersorlutik Oqartussanut akiligassat kinguaattoorutit	16.400	45.405.439	27.695	56.149.917	68,87%	23,66%
Initaarniarnermut tapiissutitigut taarsigassarsiat	237	12.335.414	221	12.088.076	-6,75%	-2,01%
Nammineq illuliornermi taarsigassarsiat	213	2.715.706	197	2.538.621	-7,51%	-6,52%
Innaallagiq/imeq	5.046	1.864.543	4.620	1.170.549	-8,44%	-37,22%
Meeqqanut inissitanut angajoqqaat akiliutaat	6.447	8.990.035	5.696	7.902.133	-11,65%	-12,10%
Nunat Avannarliit piumasaqaataat	1.818	12.925.351	2.077	12.123.316	14,25%	-6,21%
Akiligassat kinguaattoorutit allat	3.547	1.669.686	3.635	4.472.317	2,48%	167,85%
Katillugit	508.722	1.352.425.619	643.259	1.564.979.011	26,45%	15,72%

2022-ip ingerlanerani akiitsut ineriartorneri

Akiitsut pillugit suliassat amerlassusii 2022-p ingerlanerani 26,45 pct.-inik amerleriarsimapput. Akiitsut tamarmiullutik nalingat 15,72 pct.-inik qaffassimavoq. Qaffariaatit sulianut 134.537-nut tunngasuupput, akiitsullu qaffariaataat 212 mio kr.-it missaannillutik. Suliat 2023-mi januarip aallaqqaataani 263.259-iupput, akiitsunik katillugit 1,56 mia. koruuninik aningaasartallit.

Akiitsut amerleriaataat anginerpaat tassaapput akileraarutinut tunngasut, matumani ilaallutik akileraarutissat sinneri, akileraarutit A-t, selskabit akileraarutaat aamma akileraarutit erniaat. Taamatuttaaq Namminersorlutik Oqartussanut akiitsut assigiinngitsut annertuumik amerleriarput. Akiitsut taagorneqartut "Namminersorlutik Oqartussanut akiitsut" akiitsunik assigiinngitsunik amerlasuunik imaqrput, soorlu gamutit motorillit akileraarutaat, pillaammik akiliisitsissutit il.il.

Amerleriaatit taaneqartut ilaatigut tunngavigaat Akileraartarnermut Aqutsisoqarfiup akiliisitsiniartarnermi atortumik nutaamik, piffissami 2020-2022-mi ikaarsaarnernut atatillugu teknikkikkut unaminartorsiornerit. Akiitsut ilaat taamanikkut eqqortumik nuunneqanngitsoorsimapput, taamaallutillu akiitsut tamarmiusut kisitsisitaannut ilaasimanatik. Kukkuneq taanna 2022-mi oktoberip ingerlanerani aqqinneqarpoq.

Tamakku saniatigut ilanngaassuisarnermik periutsip allanngortinneqarnera akiitsut tamarmiusut kisitsisitaannut sunniuteqarpoq. 2022-mi aalajangiunneqarpoq Akileraartarnermut Aqutsisoqarfiup akiitsullit akileeqqusilluni eqqaasitsissummik nasseqqaarlugit aatsaat ilanngaassuisassasoq. Ilangaassuinermi pisortat aningaasanik tunniussineranni akiitsorineqartunut tamakkiisumik ilaannakortumilluunniit unerartitsisoqartarpoq. Periaaseq taanna nutaq taamaalluni innuttaasut/suliffeqarfiit ataasiakkaat inatsisitigut illersugaanerisa pitsaanerulerneranik kinguneqarpoq, ilutigitilluguli aamma akiitsut tamarmiusut annertunngikkaluamik qaffariarsimanerannik kinguneqarluni.

Akiitsunik suliaqarnermi pisortanut (Namminersorlutik Oqartussanut kommuninullu) akiitsut, kiisalu pisasaqartunut allanut akiitsut Akileraartarnermut Aqutsisoqarfiup taakku sinnerlugit akilersinniagassai immikkoortillugit sulisoqartarpoq. Pisortanut akiitsunut tunngatillugu akiitsumut ataatsimut minnerpaaffissamik 100 kr.-iusumik killeqartitsineq 2019-imi september aallarnerfigalugu atorneqalerpoq. Pisortanut akiitsut 100 kr.-inik taakkuluunniit ataallugit aningaasartallit tamarmik Akileraartarnermut Aqutsisoqarfiup akiliisitsiniartarnerani ilanngunneqartarunnaarput, pisortallu pisasaqartut akiitsut taamak aningaasartakitsigisut nammineerlutik siunissami akilersinniartassavaat. Pisortanut akiitsut Akileraartarnermut Aqutsisoqarfimmit akilersinniarneqartartussat siunissami ikilissangatinneqarput, tassa suliassat amerlassusiisigut aamma aningaasartaasigut.

Suliassat akiliisitsiniarnermut tunngasut nutaat 196.406-it 2022-p ingerlanerani nalunaarsorneqarput, suliallu naammassineqartut 108.719-iullutik. Suliat naammassineqartut tassaapput akiitsut akilernerqartut imaluunniit akiitsut pisoqalinertik, akiitsoqartup toqnera imaluunniit akiliisinnaajunnaartoqarnera pissutiglaugit naleerutinneqartut.

Akiitsorineqartut suussutsimikkut immikkoortiterneru malillugit anginerpaat tassaapput akileraarutissat sinnerinut akiligassat 591,9 mio. kr.-it, tassaasut inaarutaasumik ukiumoortumik naatsorsuinerit inerneru akilernerqanngitsut.

Qitornanut akilersuutinut akiitsorineqartut akiitsut amerlanerpaartaasa tulleraat, soorluttaq taakkuusut akiitsut akilersinniassallugit pisariunerpaat. Qitornanut akilersuutinut akiitsut 2023-mi januarimi 429,3 mio. kr.-iupput, allatut oqaatigalugu, akiitsut tamarmiusut koruuninngorlugit 27,4 pct.-ii.

Akilerartarnermut Aqutsisoqarfik
Intaleeqqap Aqqutaa nr. 1
Postboks 1605
3900 Nuuk
www.aka.gl

